

仁祖實錄卷之八十三
十四
六
察三臣者罷則臣之蹤跡亦無以自寧安有三重臣一時被譴而臣獨抗顏於位著乎又恐貴與晚若累日失職則所轄部曲散而無統機宜之際不無曠廢伏願 聖明特寬三臣之罪 荅曰省卿上劄具悉卿意劄辭當留念焉○寧邊府判官洪鎬上疏極陳邊方弊政言辭多激切朝廷無採用之實邊民失望○壬申以宋象仁為司憲府執義○命全羅監司李溟限秋成仍任溟性本陰險加以失身於光海朝而以其有吏才任以方伯惟以辦事為意不恤百姓之困民多苦之○上書講孟子于資政殿侍讀官宋象仁進講至不得其言則去象仁曰人君苟不聽言則去之宜矣孟子之時則之齊之楚無所不可而我國之事異於此矣人君若不用其言則惟當辭其職而已近日三司交章 殿下不從孟子若在此時則必去之矣臣冒忝臺閣三年于茲 殿下所為今年不如前年前年不如往年臣甚憂之叅贊官金壽賢曰自 上非但有拒諫之漸筵席之上亦甚淵默故上下無交孚之美易卦曰天自天地自地則氣塞而否下情不通而能治其國者臣未之聞也 上曰予當體念焉○癸酉禮曹請揀擇世子嬪 上許之○夜有氣如火光○甲戌江原道監司趙存性馳啓曰以毛都督所送銀子一百四十兩當貿送二十首農牛而日氣向暖春耕在邇本